

## זבחים קז

ויקרא פרק יז

### שחוטי חוץ

(א) וידבר ה' אל משה לאמר :

(ב) דבר אל אהרן ואל בניו ואל כל בני ישראל ואמרת אליהם זה הדבר אשר צוה ה' לאמר :

(ג) איש איש מבית ישראל אשר ישחט שור או כשב או עז במחנה או אשר ישחט מחוץ למחנה :

(ד) ואל פתח אהל מועד לא הביאו להקריב קרבן לה' לפני משכן ה' דם יחשב לאיש ההוא דם שפך

ונכרת האיש ההוא מקרב עמו: (ה) למען אשר יביאו בני ישראל את זבחייהם אשר הם זבחים על פני

השדה והביאם לה' אל פתח אהל מועד אל הכהן וזבחו זבחי שלמים לה' אותם :

(ו) וזרק הכהן את הדם על מזבח ה' פתח אהל מועד והקטיר החלב לריח ניחח לה' :

(ז) ולא יזבחו עוד את זבחייהם לשעירים אשר הם זנים אחריהם חקת עולם תהיה זאת להם לדרתם :

### העלאת חוץ

(ח) ואלהם תאמר איש איש מבית ישראל ומן הגר אשר יגור בתוכם אשר יעלה עלה או זבח :

(ט) ואל פתח אהל מועד לא יביאנו לעשות אתו לה' ונכרת האיש ההוא מעמיו :

הדתנן : הזורק מקצת דמים בחוץ חייב, מנלן?

ר' ישמעאל	ר' עקיבא
<b>גם יחשב לאיש ההוא גם שפך</b>	<b>אשר יעלה עלה או זבח</b>
שחוטי חוץ	העלאת חוץ